





PAMFLET  
1164











WARACHTIGHE,

# Nieuwe tijdinghe van het

ver-overen der Stadt Rhijn-berck volghende het  
accoort welck zijn Excellentie den Gouverneur/ Capiteyn  
nen ende gemeene soldaten binnen der voorszreuen  
Stadt in garnisoen legghende/heeft  
gegunst en gheacordeert.

Den xxixen. Julij, Anno 1601.



MIDDELBURGHE,

Bp Richard Schilders, wonende inden langhen Delft  
inden Ollyphant. 1601.



## Particulier verhael vande veroueringhe der Stadt Rhijnberck.

**N**aer dat zijn Excellentie den Vpandt meest alle contrescherpen ende ander buypen wercken afghenomen / ende int principaelste Bolwerck drie mijnen doen maken hadde / van ineyninghe die te doen springhen / heeft op den xxvij. Julij die van binnen door sekeren Trompetter doen sonneren waerop sy zijn Excellencij's begeerte by geschryfte eyschten / dwelck gheschiedende zijn daer ouer tsamen in dispute gecome / wtseyndende die van binnen voor Ostagiers den Rittmeester Bodberghen met eenen Italiaenschen Capiteyn / waer tegens van wegghen zijn Excellentie weder inder stadt gegaen zijn den Rittmeester Clout ende Capiteyn Bidzicht van Dozt.

Den xxx. Julij is naer veel disputerens niet tegenstaende die van binnen de stadt noch wel eenige dagen conden defenderen / het accoordt gesloten / waerinne zijn Excellentie des te liberaelder is gheweest / overmits het ontfet ende secours bestaende in veertich Vendelē Italianē / twee Regimentē vanden Graue van Barlapmont ende Bucquoy / beneffens die by Graue Harman vanden Berghe wt verscheyden garnisoenen / bouen die Cavallerie en gemutineerde van Weert daermede bygeboecht wesende in goede orde / en van geschut artillerie misgaders allen anderen behoeften wel versien / alreede tot Venlo ende Gelder aengeromen waren / met rijpe resolutie om voort te marcheren ende haer gelucke op onsen Legher te versoecken / luydende die artickelen vant accoordt als hier naer volcht.

3.

**S**ijn Excellentie accoordeert den Gouverneur van Rhijnberck ende alle Soldaten so te voet als te paerde / ende selfs de gene die gediend hebben opte schepen van Oorloge op den Rhijn / met heur Capiteynē en Officiere / sonder wtneeminge der personen bypelick te mogen vertreckē met haer vliengende Vaendelen / Wapenen / ontfeken lonten / cogels inden mont / ende slaende trommelen / met haer Vrouwen / familien ende bagage / wagenen ende peerden / ende alle andere dingen die haer toebehooren / sonder datter gedaen sal worden eenich ondersoek aen eenige personen / niet tegenstaende wat sy misdaen mogen hebben / ende namentlijck de persoon van Jan Pieterstz Chas.

III.

Dat den Gouverneur met hem sal mogen nemen twee Veltstucken / sulcke als zijn Excellentie accorderen sal / met twee connen buscruyt ende 50. cogels.

III.

Dat zijn Excellentie haer sal doen hebben twee hondert wagenen



ghenen/omme de siecken/ gequesten en bagagie te brengen toe  
Gelder/ende sal by gelepde geven voor den volcke van Oorloge  
ende haer bagagie tot Maestricht toe/ ende sooder eenige ghe-  
queste zijn/ die voor dese tijt niet mogen vertrecken/ de selue sul-  
len binnen de Stadt moghen bliuen tot datse ghenesen zijn/en  
daer na mogen vertrecken met paspoort vanden Gouverneur.

III.

Dat de Heere Evert van Ens/zijn huysvrouwe en kinderen/  
met haer papieren/bagagie ende goederen/bypelick sal moghen  
vertrecke/gelijk oock de Raetshere Westendorp/Nicolaes van  
Houe ende d'Ontfangers vande domeynen en contributien met  
haer papieren ende bagagie/ als gheseyt is/ende selfs Gosewijn  
van Hanem Tollenaeer met zijn Officieren/de welcke sullē mo-  
ghen vertrecken te water oft te lande/de welcke zijn Excellentie  
sal doen gheuen bysonder passepoort/ als oock van ghelijcken  
alle de Commissarissen ende andere Officieren/welcke in besol-  
dinghe vanden Coninck van Spangien oft den Eertshertoghe  
Albert sonder eenige weygeringe/ ende datse niet sullen mogen  
gehoudē wordē om eenige oorsake onder wat pretext dat het sy.

V.

Dat den Gouverneur sal betalen aende Magistraet en Bur-  
ghers de schulden die hy gheduerende de belegheringhe binnen  
de Stadt heeft ghemaect/vande goeden toecomende zijn Altezē/  
ghecomen zijnde vande prijsen/buyten/ ende gheconfisqueerde  
Coopmanschappen die ghevonden zijn op de Riviere vanden  
Rijn teghent placcaet.

VI.

Dat den Gouverneur sal ontbieden alle de ghene die hare scha-  
pen ende koepen voort beleg ontnomen zijn/ ten eynde dat hy  
haer sal moghen geuen schriftelike assignatie omme daer by  
te vervolghen de voldoeninge aen haer Alteses om dattet selue  
is ghedaen tot haren Dienst.

VII.

Dat de costen vande ghevanghenen ter cause vande Contris-  
butien terstont betaelt sullen wordē/ volgende het tractaet met-  
ten



ten Admirante van Arragoen ghedaen / ende gheconfirmiert  
dooz zijn Alteze.

¶ III.

Dat den ontfangen Jan de Bruin bypelick sal mogē vertreckē  
met zijn papieren en bagagie / mits dat hy geue copie vāde restā-  
ten vande Doniemen vanc Graeffschap van Zutphen en t'lant  
van Querijsel

¶ II.

Dat de peerde so van dese zijde / als van d'ander / genomē dooz  
de belegerde geduerende dit beleg / sullen weder gecocht worden  
ten prijse van twintich ponden stuck.

Dat alle Soetelaers ende Cooplyuden den Leger volgende /  
ende Chrij-lupden vanden Coninck ofte zijn Alteze binnen de  
stadt sullen moghen bliuen ter tijt toe dat sy hare goeden ver-  
cocht sullen hebben / ende daer na met paspozte vande Gouver-  
neur sullen vertrecken.

¶ I.

Dat alle de Burghers die vter stadt sullen willen vertrecken  
ende andersins willen woonen toegelaten sal zijn haer goederē  
ende hupsen te vercoopen binnen den tijt van ses maenden.

¶ III.

Dat alle Kercklicke personen bypelicken sullen vertrecken  
moghen in alle sekerhejdt ende insonderhejt de Bagijnen ofte  
Religieusen.

¶ IIII.

De ghevanghen Chrij-lupden van d'een ende d'ander zijde /  
sullen vyz ghelaten werden mits betalende hare Costen.

Ghedaeen inden Legher vooz Rhijn-Berck den xxx. Juli. 1601.

Op welcke voorsz artijculen den Gouverneur van Rhijnberck / den eersten  
Augusti wtgetrockē is / met ontrent xij. C. gesonde Soldaten bouē hondert  
maetrofen / ende eenige Sijpteren vanden Ritmeester Bobberghen / by hem  
hebbende tusschen de vier ende vijfhondert gequetsten ende krankken / sijnde  
naer die epgen confessie vanden Gouverneur over die dupsent inder stadt ge-  
duerende die belegeringe doot geblevē / van welcke heerliche Victorie den goe-  
den God hoorch gepresen / geloofte ende gedancet moet wesen / ende wille die vooz-  
bere exploiten die naer dese by der handt genomen mogen werdt van gelijckē  
segenen ende ten gewenscheden eynde laeten comen tot zijns naemg eere ende  
der landen prosperitejt ende welvaren / Amen.





rt  
hē  
ā  
nt  
oz  
m  
e/  
de  
re  
re  
m  
re  
m  
te  
el  
L  
m  
rt  
m  
de  
de  
de  
de  
de